

Hefftig vnd mit gewalt herein / das man fast für keiner Crea-
tur wird sicher seyn können. Dann gleich wie sie greulichsten plagen
die Egypter überfielen vor der Erlösung vnd außzug der kinder Israel auß
Egypten / also werden für der endlichen erlösung der kinder Gottes greulich-
schädliche / unerhörte plagen die Gottlosen vnd vnbußfertigen überfallen.
Darumb hohezeit ist buß zu thun ein ander leben anzufangen / sich von der
welt zu Christo zu bekehren / an ihn recht glauben / vnd in ihm Christlich leben /
auff daß wir vnter dem schirm des höchsten / vnd schatten des Allmächtigen /
sicher seyn mögen. Psalm. 91. das heiff vns allen **J**esus Christ / der vnser
mittler worden ist / sonst ist mit vnsern thun verlohren / mit sünden verdienet
wir selten zorn / Kyrieleyson.

Das zwey vnd zwanzigste Capittel.

Von der Städte noth vrsach.

Textus. num. 22. lit. y.

Die Königsstädte werden noth leiden / von derselben starcken gewalt wegen.

Erklärung.

In aller jeziger vnd noch zukünfftiger noth / so die Städte vñ ganze Chri-
stenheit überfallen werden / muß man notwendigen vnterschied behal-
ten: was eigentlich sey der böse zweck / das ende vnd intent der freudseligen
gottlosen teuffel vnd menschen / die sich in solcher noth capffer gebrauchen:
vnd welches eigentlich der gute finis vnd scopus oder ziel sey / darauff Gott
mit solcher noth stehet vnd zieler.

Was die teuffel vnd böse menschen anlanget / weil gleichwol sezt bey allem
dem verkehrten wesen in ertlichen Stätten vnd auff dem Lande der offentlich
Gottesdienst noch lauter / vnd wie er durch H. Lutherum söl. vnd seine colle-
gas reformirt, vnverfälschet bleibe / vnd die Religion der eusserlichen profes-
sion nach / mit ceremonien / predigen / lesen / bitten / singen / in kirchen / schulen
vnd häusern nach dem vnzählbaren wort vnd Heil. Schrifft des Allmächtigen
Gottes / der allein starck ist vnd alle macht von sich selber
hat / geübet vnd verrichtet wird. Dadurch Gottes H. Geist Christo noch
jamer einen h. samen / eine h. Christliche kirch vnd gemeinschaft der heiligen
erleuchtet / heilget / tröset vnd samlet / im rechten etnigen glauben vnd Christ-
lichen guten wercken / obs gleich nur eine kleine herde ist / so verdreust solches
den Sathan vnd seinen Gottlosen anhang / das seinem höllischen Sünden-
reich hiedurch abbruch geschiehet / derhalben auß vorgefastem altem grim-
migen vnversöhnlichen zorn / gegen Gottes ehre / vnd der menschen seligkeit /
gehet